

四庫全書

史部

欽定四庫全書

史部

關中勝蹟圖志卷

二十九至  
三十二

詳校官太僕寺少卿<sub>臣</sub>李廷欽

編修<sub>臣</sub>程嘉謨覆勘

總校官進士<sub>臣</sub>朱鈴

校對官祭酒<sub>臣</sub>鄒奕孝

謄錄監生<sub>臣</sub>劉理之

欽定四庫全書

關中勝蹟圖志卷二十九

陝西巡撫臣畢沅撰

地理

綏德州釋名通志本後魏綏州宋為綏德城金升為州  
因城舊名也沿革州志治在省城東北一千一百里禹  
貢雍州之域春秋時白翟地戰國魏置上郡秦置膚施  
縣漢初為翟國尋復置上郡後漢因之建安二十年郡

縣俱廢西魏置上縣又置綏州及安寧郡隋開皇初郡廢大業初改州曰上州尋又改州為雕陰郡唐貞觀二年平梁師都復置綏州天寶初改縣曰龍泉又改州為上郡乾元初復曰綏州屬關內道五代時為蕃族所據宋熙寧三年收復為綏德城屬延州元符二年升為綏德軍屬延安府金大定二十二年升為綏德州屬鄜延路元屬延安路明屬延安府

本朝雍正三年直隸陝西布政使司領縣三曰米脂清

涇吳堡 州城通志環水抱山明洪武中因舊址築周  
八里有奇門四關城周六里有奇門亦四

米脂縣釋名通志本宋米脂城以地有米脂水故以名  
城金升為縣因宋舊名也沿革一統志治在州北八十  
里漢上郡膚施龜茲二縣地西魏置撫寧縣後周分置  
銀州隋廢州屬雕陰郡唐復置銀州屬關內道宋初屬  
西夏元豐四年收復置米脂砦屬綏德軍金因之後升  
為縣屬綏德州元明不改

本朝因之 縣城通志明洪武中築周二里有奇門二  
清澗縣釋名通志宋种世衡因寬州舊壘築城賜名清  
澗以城西有清澗河也金始升為縣沿革一統志治在  
州東南一百四十里漢上郡膚施縣地西魏置綏德城  
平二縣隋屬雕陰郡唐屬綏州五代時廢宋康定元年  
置清澗城屬延州元符二年屬綏德軍金大定二十二  
年升為清澗縣屬綏德州元及明初因之後改屬延安  
府

本朝雍正三年仍屬綏德州

縣城通志宋康定元年

种世衡營建土城明洪武初增築甃以磚嘉靖中西南  
二面易以石周三里有奇門三

吳堡縣釋名通志本宋吳堡寨縣從寨名也沿革縣志  
治在州東八十里漢上郡膚施縣地隋唐為石州地宋  
置吳堡寨金正大三年升為縣屬葭州元明不改

本朝乾隆元年改屬綏德州

縣城通志明正統中因

舊址重築周二里有奇門四

名山

綏德州疏屬山在州城內山海經貳負之臣曰危與貳負殺竇窳帝乃梏之疏屬之山郭璞注漢宣帝使人發上郡疏屬山於盤石中得一人徒裸被髮反縛械一足羣臣莫能曉劉向按此言對之帝驚異元和郡縣志龍泉縣有疏屬山亦名雕陰山

謹按唐龍泉縣本西魏雕陰郡即今治

雍大

記山連城橫峙其形望之如雕刻城在山北故曰雕陰月宮山在綏德州北二里通志有月崖建月宮寺



合龍山在綏德州西南五里漢書地理志膚施縣有五

龍山

謹按秦膚施故城在州西北則合龍山疑即五龍山也

路史上郡膚施縣五

龍山蓋出治之所也故宣帝立五龍仙人祠於膚施有

帝原水黃帝祠

定仙嶺在綏德州東南七十里太平寰宇記延福縣有

定仙嶺

謹按延福故城在州東

延安府志金大定中置堡於此

聖佛崖在綏德州東十五里石佛鋪太平寰宇記延福

縣有聖佛崖

鳳凰山在綏德州東四十里通志古屯戍處一名鳳宿

嶺相傳有鳳集此

已上  
綏德

白雲山在米脂縣北二里通志環抱縣城又馮家山在縣北三里其西甚峻有泉湧出峰頂又高家山在縣北五里下有石洞可容數千人

石佛山在米脂縣東七十里縣志高聳峭特縣境諸山

之冠

已上  
米脂

草場山在清澗縣治北百步通志一名草塢山又名砦

山相傳為宋种世衡積草處即古寬州城

筆架山在清澗縣西百步通志三峰秀峙縣城憑以為固相近有峰臺山上有古峰墩故名

東峰山在清澗縣東一里縣志峰巒秀麗為邑之勝境吐谷嶺在清澗縣東二十里縣志唐以吐谷渾部族僑治州界故名嶺之西有首宿嶺

白草原在清澗縣東百三十里黃河岸側通志王昌齡

詩云白草原頭望京師黃河水流無盡時即此

已上清澗

塞西山在吳堡縣西一里通志宋置吳堡寨於此金為縣故名南達中原東障黃河層巒拱峙朝氣尤爽

火燒山在吳堡縣北十五里縣志一名桃花庄赤砂紫石嶙峋列峙可稱奇觀其相近有停仙坪在黃河中流兩山夾列傾石若墜雪浪銀濤中有高坪世傳仙人集此妙峯山在吳堡縣北七十里縣志又名黑龍岑黃河曲流如帶臨泉離石諸山如屏上有淨道院

高原砦山在吳堡縣西北五十里縣志巍然天際為衆

山宗

龍鳳山在吳堡縣南十里通志以山勢迴翔故名又名

黑虎山

已上  
吳堡

大川

利 附水

綏德州黃河在州東百二十里自吳堡界流入與山西永

寧州寧鄉縣分界又南入清澗界水經注河水又南逕離

石縣西奢延水注之

謹按離石縣  
今屬永寧州

太平寰宇記綏州延福

縣有黃河自撫寧縣流入州東至石州界黃河一百三十

里河上有孟門關在石州西九十五里又州東南至隰州石樓縣西北黃河為界一百五十里

謹按撫寧縣今屬米脂石州今屬永寧州

無定河在綏德州東門外自米脂界入境又東南入清澗界水經注奢延水自逕膚施縣又東入五龍山帝原水自下亦為通稱歷長城東出於赤翟白翟之中又有平水入之又東走馬水注之元和郡縣志龍泉縣有無定河一名奢延水自撫寧縣界流入沈括夢溪筆談嘗過無定河活沙履之百步皆動如行幕

上或陷則人馬車駝無遺或以為即古之流沙州志無  
定河以潰沙急流深淺不定故名經米脂綏德而勢益  
大積沙驚浪行人苦之為古戰守要地唐陳祐無定河  
詩無定河邊暮  
笛聲赫連臺畔旅人情玉關歸  
路千餘里一夕秋風白髮生

大理川在綏德州西北城下自米脂縣流入邛州西北  
東流入無定河通志即平水理一作力水經注平水西  
北出平溪東南入奢延水隋書地理志大斌縣有平水  
謹按大斌廢  
縣在州境太平寰宇記龍泉縣有大力川在西又廢

大斌縣有小力川縣志大中祥符三年趙德明出大理  
河築柵蒼耳坪又治平四年种諤復綏州夜渡大理水  
即此州冊大理河源出龍州堡雙城兒又小理河源出  
懷遠之威武堡逕艾蒿峯巡檢司溝合大理河入州境  
懷寧河在綏德州東南十里自清澗縣流入又逕州東  
南入無定河通志即走馬水水經注走馬水自陽周東  
北流入長城又東北流入奢延水

謹按陽周  
今屬安定

大河川在綏德州東南太平寰宇記廢延福縣有大河



川謹按延福故城在州東南接清澗界則大河川當即清澗之清澗水俗名大河者也

龍泉在綏德州東三里太平寰宇記唐龍泉縣以此名

延安府志在無定河東岸泉從石龍口中出故名

鳴咽泉在綏德州東五里名山記相傳即秦太子扶蘇

賜死處已上綏德

無定河在米脂縣西十里自榆林界入境又東南入綏

德界水經注奢延水自合帝原水又東逕膚施縣謹按漢膚

施縣今屬綏德州元和郡縣志無定河自夏州界流入又經撫

寧縣北二十里

謹按撫寧故城在縣西

縣志元豐四年种諤攻米

脂敗夏人於無定河即此

明堂川在米脂縣西北通志其水自榆林流入無定河

宋元豐五年曲珍敗夏人於明堂川即此

謹按即榆林西河

米脂水在米脂縣東南百步西南流入無定河通志源

出張家山地沃宜粟米汁如脂故名

宋蘇軾聞米脂川大捷詩聞說將軍

取乞銀將軍旗鼓捷如神應知無定河邊柳得共中原雪絮春王珪米脂川大捷詩神兵十萬忽乘秋西磧妖氛一夕收匹馬不嘶榆塞外長城自起玉關頭君王別繪凌烟閣將帥今輕定遠侯莫道無人能定國紅旗行

去取  
涼州

大理河在米脂縣西六十里自懷遠縣流入通志源出  
沙漠紅石川經縣境又入綏德西北城下東北流入無  
定河又小理河在縣西百五十里

流金堰在米脂縣南一統志明正德中壘石溪口作堰  
長五十餘丈引山水灌田民獲其利

已上  
米脂

黃河在清澗縣東百二十里自綏德界流入與山西石  
樓縣分界又南至張家山入延川界水經注河水又南

逕離石縣西奢延水注之又南過土軍縣西

謹按離石今屬山西

永寧州土軍

今屬石樓縣

無定河在清澗縣東北自綏德界入境又逕縣東八十里東南流入黃河水經注奢延水自合走馬水又東與白羊水合又東入於河

懷寧河在清澗縣西北自安定南溝岔入境流七十里東北逕綏德州入無定河縣志源出安定柏山寺下逕縣北境東流入無定河

白家河在清澗縣東北源出吐谷嶺東北流五十里入

無定河

謹按縣境水東北注奢延者惟白家河疑即水經注之白羊水也

水經注白羊

水出於西南白羊溪巡溪東北注於奢延水

秀延水在清澗縣西城下自安定界來南流入延川界

水經注秀延水得浣水口又東會根水露桃水太平寨

宇記廢城平縣有清澗水

謹按城平故城在縣西

縣志清澗水俗

名大河自安定縣流入至縣北官山折而南流過城西

迤東遶城南又東南入延川縣即秀延水也亦名吐延

水至縣南四十里張家灣曰小呂梁以水勢似之因名石井在清澗縣城內縣志宋种世衡城清澗乏泉鑿地百尺餘遇石世衡命屑石一番予百錢卒得泉今謂之

种公井

已上  
清澗

黃河在吳堡縣東一里自葭州流入與山西永寧州分界又南入綏德州界水經注河水自合諸次水又南湯水注之縣志自縣北螞蚱峪入境東流經川口至丁家畔二十里曲折南流經下沙灘橫溝砦李家溝七十里

至城下復轉而西流入綏德州界

水灘水在吳堡縣北十里縣志二泉交流頗為勝概流  
十餘里至宋家灘入河

流觴池在吳堡縣南二里石塔寺下通志澗水曲流清  
潭靜注邑人載酒遊覽之所

馬跑泉在吳堡縣西北二十五里通志相傳宋將楊滿

堂經此馬渴甚以蹄跑之泉出

已上  
吳堡

古蹟

祠宇

綏德州秦扶蘇祠一統志在州城內明嘉靖中改建於  
疏屬山峰

宋种公祠一統志在清澗縣城內祀宋种世衡

明九真觀一統志在綏德州治西一里宣德中建

古蹟

郊邑

秦長城太平寰宇記城有二一在綏德州西四十五里  
大力川一在州北二十五里無定河皆蒙恬所築之遺  
跡



朔方臺一統志在綏德州無定河東畔世傳秦太子扶蘇所築一名扶蘇臺又州北二里有月兒臺

扶蘇墓通志在綏德州治北關中陵墓志扶蘇墓有四  
一在臨潼縣藥水村一在平涼府東一在寧縣西一在  
綏德按綏德古上郡扶蘇監蒙恬軍處賜死葬綏德即  
此葉映榴鳴咽泉賦序雕山之巔扶蘇冢在焉時有白  
虹出冢中去冢不五里有泉曰鳴咽相傳為扶蘇自裁  
處

蒙恬墓通志在綏德州西南一里大理河北岍天寧寺

下

晉吳兒城一統志在綏德州西北元和郡縣志在龍泉縣西北四十里初赫連勃勃破劉義真於長安遂徙其人築此城以居之號吳兒城

唐寬州石城通志在清澗縣東北山上今縣東二十里有石城即唐初置寬州城也即今後山砦

宋相思亭一統志在綏德州南三十里西北二水交會

於此

宋司馬光相思亭詩嶺上雙流水猶知會合時行人經過此那得不相思

義合砦通志在綏德州東六十里宋史地理志本夏人砦元豐四年收復

開光堡通志在綏德州北四十里宋史地理志紹聖四年修築元符元年賜名种諤傳熙寧四年諤遣都監趙璞築撫寧故城及分荒堆三泉吐渾川開光嶺葭蘆川諸砦

大理河橋渡通志在綏德州南城外秋設橋夏則撤有

官渡船宋史种諤傳治平四年諤復綏州夜渡大理河  
周美傳美率衆由廳子部西濟大理河

永樂城一統志在米脂縣西宋史徐禧傳元豐初种諤  
西討得銀夏宥三州而不能守延帥沈括欲城永樂詔  
禧往相其事禧言銀州雖據明堂川無定河之會而故  
城東南已為河水所吞西北又阻天塹不如永樂形勢  
險阨遂城永樂地理志即永樂小川築新城距故銀州  
二十五里前據銀州大川賜名銀川砦旋被西人所陷

崇寧四年收復仍為銀州五年廢為銀川城

清澗砦通志在清澗縣東北十里東控黃河西畔本隋綏平縣地名清澗川宋慶厯中築

順安砦通志在清澗縣東北八十里宋史地理志延州延川縣舊砦元符二年廢後復置九域志延川有順安白草永平三砦縣志宋初建南安砦康定中棄之慶厯中修復改今名

白草砦通志在清澗縣東北一百餘里黃河岸側內有

新井宋嘉祐中白草砦主康惟幾鑿正德間邊患急知縣趙輅恐井不足用更鑿一井引東河水自城下穿入宋史地理志延州延川縣舊砦元符二年廢後復置縣志東扼黃河伏落關路北控綏德州鐵茄坪定仙嶺滿堂川三路最為要害之地

營田堡通志在清澗縣南三十里种世衡營田處

老鴉關渡通志在清澗縣東一百二十里老鴉關通山西石樓縣即宋种世衡城清澗致河東之粟處隄址猶

存

吳岵寨通志在吳堡縣東北六十里下臨黃河邊防要地宋時設守對峙有悞兒寨又縣北七十里虎頭寨東臨黃河石岵三級洶天險也

韓王母墓通志在清澗縣北五十里官山嶺譚吉璵韓王母墓辨清澗之北五十里為官山嶺嶺之中有韓王母墓不封不植而居人至今不敢耕牧也土人云齊王韓信母冢冢之下有坎窞數十處皆深至丈許云作竈

井設伏者夫韓信生淮陰未嘗至清澗北盟會編云韓

世忠綏德軍人少年曾戲梨於二郎山

謹按二郎山亦名文屏山在州

城南此宋史所不載宜其母墓不著也今韓王母墓為世

忠母墓無疑至坎其下塹其旁皆宋人拒馬處也南渡後韓王故鄉已沒於金尚得封識之乎

任泰亨墓通志在清澗縣西七里紙張溝縣志泰亨仁宗朝兵部尚書勅命祭葬今翁仲猶存

金趙勸墓通志在綏德州西十里有施宜生碑



元党時濟墓通志在縣東一百三十里党家山有碑

明葫蘆堡通志在米脂縣四十里明置

寧川堡通志在清澗縣西三十里一名柳家坪大川平坦路通安定又石嘴岔堡在縣北七十里又田家堡在縣北一百里三堡皆嘉靖中築

馬汝驥墓通志在綏德州東五里

郝志義墓通志在清澗縣北八十里縣志志義刑部右侍郎子序援例乞祭葬劉瑾謂洪武禮制無此例下序

詔獄謫戍瑾敗乃復

關中勝蹟圖志卷二十九

欽定四庫全書

關中勝蹟圖志卷三十

陝西巡撫臣畢沅撰

地理

廊州釋名通志後魏州名郭子章云以地有廊水故也  
沿革一統志治在省城北五百五十里禹貢雍州之域  
春秋時白翟地戰國魏雕陰邑秦置雕陰縣漢屬上郡  
後漢因之晉廢後魏為北華州地西魏為廊州地隋開

皇三年始分置洛交縣大業二年移鄜州於此

謹按西魏改北

華州曰鄜州在中部縣界至隋始移鄜州治洛交縣即今州治是矣

改為鄜城郡尋又改

曰上郡唐武德初復曰鄜州天寶初改曰洛交郡乾元

初復曰鄜州屬闕內道五代因之宋曰鄜州洛交郡保

大軍節度屬永興軍路金曰鄜州保大軍節度屬鄜延路

元曰鄜州以州治洛交縣省入屬延安路明屬延安府

本朝雍正三年直隸陝西布政使司領縣三曰雒川中

部宜君 州城通志西阻龜山東帶洛水有內外二城

元時所築明嘉靖中為洛水所圯外城稍移於內內城周二里有奇門三外城周八里有奇門四

雒川縣釋名元和郡縣志姚萇置洛川縣以縣界有洛川水為名沿革一統志治在州東南六十里秦鄜時地漢置鄜縣屬左馮翊後漢省後魏置敷城郡太平真君中置洛川縣隋屬上郡唐屬鄜州五代宋金元明俱不改泰昌初易洛為雒

本朝因之 縣城通志緣山阻澗元時築周二里有奇

門三又東關城明正德初築周三里有奇門三

中部縣釋名通志漢渠搜中部都尉治此姚興始置縣  
從中部都尉之舊也沿革一統志治在州南少西一百  
四十里漢置翟道縣屬左馮翊後漢省東晉時姚秦置  
中部縣後魏置中部郡太和十五年置東秦州孝明帝  
改曰北華州西魏廢帝三年改曰鄜州隋改郡縣俱曰  
內部開皇三年郡廢大業初州廢屬上郡唐武德二年  
復改縣曰中部於縣置坊州天寶初復曰中部郡乾元

初復曰坊州屬關內道五代因之宋曰坊州中部郡屬  
永興軍路金曰坊州屬鄜延路元至元六年州廢縣屬  
鄜州明不改

本朝因之縣城通志因沮水為濠明成化中改建萬  
厯初增築南關外城崇禎初又增築北關城周四里有  
奇門三

宜君縣釋名通志縣有宜君水因取名焉沿革一統志  
治在州南二百十里漢左馮翊後相縣地東晉時苻秦

置宜君護軍後魏太平真君七年置宜君縣屬北地郡  
西魏置宜君郡隋開皇初郡廢屬京兆郡唐初屬宜州  
貞觀十七年廢二十年復置屬雍州永徽二年又廢龍  
朔三年復置屬坊州五代宋金因之元改屬鄜州明不  
改

本朝因之 縣城通志明景泰中築周五里有奇門二  
名山

鄜州開元坡在州治北雍勝略上有開元寺白松甚奇



古梅柯嶺在鄆州西北三十里通志嶺有梅樹相傳為  
杜甫手植

大槃山在鄆州西北元和郡縣志在直羅縣西北一百

十里

謹按直羅故城在州西又按金史地理志直羅縣有水槃山疑大槃即水槃或有訛字

石空洞在鄆州西南一百十里名山記洞深一丈五尺  
內有萬佛石像世傳以為魯班所鑿

壽峰山在鄆州西南百二十里州志相近有馬尾嵯相  
傳唐太宗出征憇此山石有馬尾遺跡

櫻桃山在鄜州南三里通志山多櫻桃其相近有葦谷  
以多蘆葦故名

龍尾坡在鄜州東十里通志山蜿蜒如龍又黑鷹嵯在  
州東二十里舊多黑鷹棲此相傳唐太宗見而射之矢

跡猶存

已上  
鄜州

白起山在雒川縣北二十里通志秦白起屯兵於此故  
名九郎山在雒川縣西南八里通志宋淳化間建九郎  
廟土人旱潦禱此

廊時山在雒川縣南七十里縣志秦祀五時此其一也  
廊城以此得名

馬翅谷在雒川縣南八十里縣志宋李顯忠屯兵於此  
宋史紹興中李永奇謀南歸金人殺之於馬翅谷

爛柯山在雒川縣東南六十里通志相傳為王質遇仙  
爛柯處其相近有黃梁谷黃梁水所出

黃龍山在雒川縣東南百二十里接白水界雍勝略常  
有黃雲罩其上髣髴如龍搖曳

龍舌崖在雒川縣東北三十里龍尾灣通志一峰回顧狀若龍首飲水上立一石長七八尺風撼則動而不墜

已上

雒川

橋山在中部縣北一里通志下有沮水潛穿山底而過因名山海經山下水流通行故謂之橋山爾雅山銳而高曰橋史記漢武帝北巡朔方還祭黃帝於橋山延安府志華蓋山在橋山後三峰秀麗形如張蓋高出諸山即橋山之支麓

臣謹按關中北境大山以橋山為稱首岡巒迤邐隨地異名其在慶陽府合水縣東五十里者曰子午山其在延安府保安縣東六十里者曰艾蒿嶺在安定縣北八十里者曰高栢山皆橋山之支阜惟中部沮水所過之山獨受正名而榆林府西北又有橋門後漢靈帝時段熲追羌出橋門水經注橋山有長城門故謂之橋門樂史云橋山南連耀州北抵鹽州東接延州綿延八百餘里蓋邠寧環慶延安廊坊諸郡邑

皆在橋山之麓宋人所稱橫山之險亦即橋山北陲  
諸家地志或不知其綿亘廣遠各指一山為主名是  
此非彼要為方隅之見又按山海經蒲谷水源出橋  
山金史亦言中部縣有蒲谷水今此水源流莫辨宜  
從闕疑之義焉

鳳凰山在中部縣西一里縣志其形似鳳一名二郎山  
其中有黃花峪入秋金菊芬芳香氣襲人延安府志鳳  
嶺在西郊外相傳軒轅截嶰竹成律呂鳳鳴於此

謹按  
縣圖

鳳嶺即鳳凰山一云  
在縣西百里者誤

回軍嶺在中部縣北六十里縣志元孝子王克已廬墓

處

又見  
古蹟

仙掌嵯在中部縣西北三里延安府志山勢聳起五峰

聯峭如掌

石堂山在中部縣西北四十里通志即翟道山水經注

云豬水西出翟道縣西石堂山本名翟道山

謹按魏狄  
道故城在

縣西北豬水當

即淺石川也

雙鐘山在中部縣西北七十里延安府志形如覆鐘峻秀屹立又相近有三鳳岡相傳古有逸人隱此嵯間石刻猶存

子午嶺在中部縣西北二百里接合水界通志沮水出此縣志南北綿亘延慶二郡之間長八九百里東北至葭州黃河北通九原雲中秦蒙恬塹山堙谷即此

謹按此即

合水之子午山亦即橋山之異名也

龍榮山在中部縣西四里通志元王九臯築砦于上有



故址又玉仙山在縣西五里雍勝略云常有仙人往來其處

桑園藥王洞在中部縣西五十里通志深邃可容百人洞中蓮座橫列奇巧得之自然

唐峪洞在中部縣西九十里縣志上有懸崖危嶢下築石城洞中有石井為懸樓六磴道四壁立千仞自下望之樓閣如在天際

已上  
中部

玉華山在宜君縣西南四十里通志有唐建玉華宮宋

雍熙初於此獲一角獸時以為麟金於此置玉華鎮又  
野火山在縣西南七十里宋張珉玉華山記玉華山南  
曰野火谷望之如爨烟而莫知所自谷之西曰鳳凰谷  
唐置宮故地其西曰珊瑚谷嘗有別殿珊瑚之北曰蘭  
芝谷太宗詔沙門元奘譯經於此中有石崖嶄然天成  
下有鑿室可容數十人有懸泉勢若飛雨有松十八環  
其側其西南曰駐鑾崖其始入也雙壁屹然如削石而  
成既至其處若視甕側有泉飛瀉而下名曰水簾

真人洞在宜君縣西北七十里通志石徑幽折嵯壑竒古

太子山在宜君縣東南四十里通志相傳秦太子扶蘇築長城憇此

泰山在宜君縣東南九十里接白水界通志山勢綿亘相傳唐太宗為秦王時畋獵於此

又見白水  
已上宜君

### 大川

鄜州洛水在州東百步自甘泉界流入又南流入洛川

界太平寰宇記洛水又謂之洛交水按三川縣有三川

水謂華池水黑源水洛水同會故名三川

謹按三川故城在州南

通志自州北三十里南楊村入境流七十里至交口村

又南入中部界州志洛水南流至城北合牛武採銅二

川南流過城東水流衝激州城數被其患

唐杜甫三川觀水漲詩我

經華原來不復見平陸北上惟土山連天走窮谷火雲  
無時出飛電常在目自多窮岫雨行潦相厠威翦旬川  
氣黃羣流會空曲清晨望高浪忽謂陰崖踞恐泥竄蛟  
龍登危聚麋鹿枯查卷拔樹礪硯共充塞聲吹鬼神下  
世間人代速不有萬穴歸何以尊四瀆及觀泉源漲反  
懼江海覆漂沙折岸去漱壑松栢禿乘陵破山門迴幹

裂地軸交洛赴洪河及闕豈信宿應沈數州沒如聽萬  
室哭穢濁殊未清風濤怒猶蓄何時通舟車陰氣不黷  
黯浮生有蕩汨吾道正羈束人寰難客身石壁滑側足  
雲雷屯不已艱險路更跼普天無川梁欲濟願水縮因  
悲中林士未脫衆魚腹舉

頭向蒼天安得騎鴻鵠

牛武川在鄜州東北五里西南流注洛水州志自牛武  
城東來入洛

採銅川在鄜州西北十五里通志為杜甫經遊地在羌  
村南十里許有一石窟中出石脂就窟可灌成燭至元  
七年封扁不採

葦谷水在鄜州南五里通志一名荻子溝太平寰宇記

水經注云葦谷水自葦谷東南流入三川水又砂羅谷

水南流逕黃原祠東合葦川

唐鄭玉葦谷水詩水會三川淥碧波雕陰人唱採花

歌舊時白翟今荒草

葦谷淒淒風雨多

華池水在鄜州西南通志源出慶陽府合水縣東流入

州界逕直羅故城與黑水合又東南合會道河餘樂川

逕縣北葡萄酒塞為葡萄酒河又東南至交口與洛水會亦

曰葫蘆河

直羅川水在鄜州南元和郡縣志在直羅縣南二里州志直羅川自直羅城南注華池水通志黑水在州西南自合水縣流入東合華池水

謹按直羅川水即黑水自合華池水逕中部縣北

萄塞二水又兼受葡萄河之稱一統志載直羅川水而於黑水不別為標目陝西通志則以黑水直羅川水並入華池水條下未甚明晰

今為正之

已上鄜州

洛水在雒川縣西南七十里自鄜州流入又東南入中部界通志一名領前河一名上堡河又名高家河縣志洛水自鄜州入境南流岍東為雒川岸西為中部至交

口會葫蘆河又南會沮水

廂西河在雒川縣西北三十里

謹按宋朝類苑鄜州東百里有相思河河岸有

相思舖唐令狐楚有題鄜州相思舖詩所謂誰把相思號此河是也今考鄜州東三十里有相思舖一名廂西舖接洛川界而洛川有廂西河當即此水或以語轉而訛惟所云在鄜州東百里者里數未合疑亦以水源目之耳

楊班湫在雒川縣東南六十里周一里二十步今堙周地圖記姚萇立節將軍楊班居黃梁谷北其谷西有小谷由來無水夜中有人就班借車牛十具云我是湫神欲移徙班即備車牛置門前至明車濕牛汗乃尋車轍



至乾谷忽有水方二百餘步其水極深每水旱祈禱有

應

謹按郃陽亦有楊班湫蓋堰  
滂谷水所成也已上雒川

洛水在中部縣東北三十五里自鄜州南流逕交口合

葫蘆河又南合沮水流入宜君界元大一統志自州境

交口村南流入中部縣又南流十五里至楊家庄合沮

水又東南流四十里至鄜城十二盤出境

謹按鄜城今  
屬洛川縣

禹貢錐指縣東十里有古川口即沮洛交會處亦曰龍

首川按此不過沮水之枝津至近世下流壅塞不由富

平入洛則此遂為二水交會之通川耳

葡萄酒河在中部縣東北三十里通志一名葫蘆河即郿州之華池水南流為直羅川又南流經縣之葡萄酒塞為葡萄酒

沮水在中部縣西又南流入宜君界漢書地理志直路

縣沮水出縣西東入洛

謹按直路故城在縣西北

水經注沮水出直

路縣東南逕焦石山東南流歷檀臺川俗謂之檀臺水屈而夾山西流又西南逕宜君川元大一統志沮水自

子午嶺東南流二百里至縣東三十里楊家庄東南順  
流入洛縣冊自子午嶺來至三河口納常川葛家川東  
流十餘里遶城又東流十里與泥水會又東流十餘里  
入洛

葛家川在中部縣西十餘里縣志源出宜君縣西孟家  
河東流納常川河與沮水會於三河口山水紆迴林木蔥鬱  
東移泉水在中部縣東五里通志一名飛來泉古有石碣  
今無存其水細流入沮

上善泉水在中部縣東北二里唐書地理志州郭無水  
東北七里有上善泉開成二年刺史張怡架水入城以  
紓遠汲刺史崔駢復增修之民獲其利縣志在橋山東  
縣北門外沮水畔側其水流入於沮

柳窟泉在中部縣西五里縣志山頂沸出懸溜而下如  
素練然延安府志旁多叢柳秋風葉落隨流飄蕩故名  
又寒洿泉在縣西十里水從地湧淵深渟靜大樹重陰

夏日生寒故名

已上  
中部

洛水在宜君縣東北八十里自中部界流入又南與洛川接界又東南入白水界縣冊洛水自中部界納沮水又有党家溝范家溝梁家河水又賀家河源出縣之東山下李家河源出縣北十里合而為五交河東流入之又南納馮家河水入白水界

石盤川在宜君縣東五十里太平寨宇記源出同官縣大石盤山東流入縣界

沮水在宜君縣西又南流入耀州界水經注沮水西南

逕宜君川世又謂之宜君水又得黃嶺水口東南流逕

殺裯縣

謹按殺裯縣今屬耀州

通志沮水自徵寧界來分二流其

一南流逕馬欄鎮亂石灘合姚渠川南流入耀州界其

一東流合寇家河水又合慈烏水又合玉華川仙人溝

纏帶谷諸水流逕中部界合於洛一統志按水經注謂

沮水下流合銅官注鄭渠而東入洛自鄭渠堙廢沮水

故道難考諸志猶從其說至經中部縣南入洛之沮水

則始于元統志禹貢錐指目為枝津然此水東流入洛

與南流入渭之沮水源流各別非枝津也且今入渭之沮上源太近亦與漢志出直路縣西之說不合通志分東南二流兩存其名今從之

姚渠川在宜君縣西七十里通志源出姚渠村北三十里核桃溝南流至亂石灘入沮

慈烏水在宜君縣西北四十里太平寰宇記源自昇平縣分水嶺東流入縣界

謹按昇平故城在縣西北

縣志東流合杜村

河入沮

玉華川在宜君縣西五十里通志源出駐鑾坡之瀑布  
泉一名醴醪泉流而成川又有仙人溝水在玉華山北  
流合玉華川又纏帶谷水在縣西二十里源出艾蒿凹  
逕彭村與玉華川仙人溝水合流至杜村合於東沮水  
至中部入洛

石油井在宜君縣西二十里姚渠村通志村有石井汲  
水澄而取之氣味雖臭可療牛羊癰疥

已上  
宜君

古蹟

宮闕



鄜州唐仁智宮在宜君縣鳳凰谷唐書韋挺傳武德七年避暑仁智宮雍錄武德七年造

玉華宮在宜君縣西南唐書地理志在坊州宜君縣北四里鳳凰谷元和郡縣志貞觀二十年置冊府元龜太宗建玉華宮既成正門謂之南風門殿覆瓦外皆葺之以茅帝以意在清涼務從儉約匠人以為層嵒峻谷元覽遐長於是疏泉抗殿包山通苑皇太子所居南風門之東正門謂之嘉禮門殿名暉和殿其官曹署寺並皆

創立及帝遊勅奉御王孝積於顯道門內起紫微殿十  
三間文甃重基高敞宏壯帝見之甚悅太平寰宇記在  
縣西四十里貞觀十七年置其地本縣人秦小龍宅太  
宗曰小龍出大龍入當時以為清涼勝於九成宮永徽  
二年有詔廢宮為寺便以玉華為名寺內有肅成殿元  
奘法師於此院譯經每言此寺閻浮之兜率天也雍勝  
略初有九殿五門而可記其名與處者六其正殿為玉  
華其上為排雲又其上為慶雲其正門為南風南風之

東為太子之居其殿曰暉和門曰嘉禮知其名失其處者一曰金風門也其西珊瑚谷常有別殿存焉方輿紀要玉華宮因仁智宮增築

臣謹按玉華宮元和郡縣志唐書地理志皆云在宜君縣北四里而太平寰宇記謂在縣西四十里今考宜君故城在縣治西南唐貞觀中置玉華宮仍于宮側置宜君縣其後移於今治一統志謂當在五代時諸家記載各據當時縣治相距之遠近而言所以不

同至其創建之歲元和郡縣志在貞觀二十年新唐書從之舊唐書則謂在二十一年太平寰宇記又謂在十七年然李吉甫以唐人而誌唐事語當覈實自宜以元和郡縣志為正考宮既廢為寺歲久遺構莫存當日所謂即澗疏隍憑巖建宇者無由髣髴見之矣

古蹟 第宅

唐杜甫草堂通志在邛州南六十里杜甫避難寄此即三川也又州西北三十里羌村有杜甫窟壁上詩甚多

又駱駝谷杜甫遊梅柯嶺往來止宿於此

明田龍三川杜甫草堂詩

問柳尋花到草堂急呼村酒醉詩王乾坤無處容衰老風雅何人到盛唐春雨三川驅瘦馬秋風一劍寄空囊

鄜州旅食崢嶸日

南北音書共渺茫

保大樓一統志在鄜州城內唐置保大軍節度使故名

古蹟

祠宇

後魏軒轅廟通志在中部縣北五里冊府元龜魏明元

帝泰常七年幸橋山遣有司祀黃帝廟文成帝和平元

年帝東巡歷橋山祀黃帝廟唐大歷四年四月鄜坊等

州節度使臧希讓上言坊州有軒轅帝陵闕請置廟四時享祭列於祀典從之揮麈前錄黃帝以后土風后力牧配祠在坊州通志廟中軒轅栢考之雜記乃黃帝手植物圍二丈四尺高可凌霄延安府志掛甲栢在軒轅廟黃帝滅蚩尤歸而掛甲其上至今樹皮有掛甲痕栢液中出似有斷釘在內老幹細枝痕跡若一縣志廟舊在橋山西宋開寶中移建今地

唐玉皇廟通志在中部縣東二里唐時建延安府志東

壁上有元至正庚子張三丰題詩又舊志載明永樂間  
三丰至廟索道士張清買瓜歸則題詩壁上去矣

栢山寺通志在鄜州西九十五里直羅鎮武德二年秦  
王勣兵芸羅寺洎即位改芸羅為安樂移西嶽之上建  
殿與塔即今處也開元十二年車駕北征至此前鋒告  
捷因改為安定寺宋景德元年重修仍名安樂後以其  
山多栢因名栢山寺

開元寺一統志在鄜州治北唐建

石泓寺一統志在州西一百三十里石山如砌鑿門而入為佛殿有大佛三小佛尺許者千百計製作工巧

蒲羅寺通志在中部縣治北貞觀二年建內有塔及藏經

金石泉寺通志在雒川縣西北三十里寺右有泉味甘而冽大定初賜額曰靈泉院前有一塔相傳定光佛遺身舍利藏焉時見瑞光起塔中如純金色

明忠烈朱公祠在中部縣北一里祀明知縣朱新堞



古蹟 郊邑

上古黃帝陵一統志在中部縣西北橋山上史記五帝  
本紀黃帝葬橋山漢武故事元封元年帝北巡朔方還  
祭黃帝於橋山雍勝略橋山在中部縣東北二里其山  
形如橋沮水環繞之即黃帝葬衣冠之所周圍城塹五  
里餘樹栢萬餘株橫順成行參天傲日數百里外望之  
猶有烟霞霏微青翠玲瓏之狀明張三丰橋陵詩披雲  
履水謁橋陵翠栢烟含  
玉露輕袞冕霞飛天地老文章星煥海山清魏鳳闕  
迎仙島渺渺龍車駐帝城寂寞瑤臺遺漢武一輪皓月

古今明

臣謹按橋陵在關中者舊志有三一在慶陽之正寧  
一在延安之安定其一即在中部者是已三縣皆漢  
上郡地漢書地理志上郡陽周縣橋山南有黃帝塚  
水經注走馬水出長城北陽周故城南橋山上有黃  
帝塚考正寧在後魏時嘗僑置陽周縣後人誤謂即  
漢之陽周因以為有軒轅陵雍勝略辨之頗詳而猶  
以魏之陽周故城為漢之陽周故城則尚未為精審

今按漢陽周故城在安定縣北其地有懷寧河即走馬水出高栢山亦即橋山與班酈所述為合然中部立廟始自唐大厯中厯代祀典相沿自當循而不改又考橋陵所在不一記載紛如近世地志如畿輔之平谷山東之曲阜河南之閩鄉皆有軒轅陵至如文選注黃帝葬西海橋山語涉荒渺無從考信也已周卜居城一統志在中部縣東二十里相傳晉公子重耳奔翟時所居

秦長城一統志在鄜州東北元和郡縣志在洛交縣東北三十里

漢牛武鎮延安府志在鄜州東北四十里董翳遣步將築城練兵蕃牛數千以備戰故名

祈仙臺一統志在中部縣西北橋山黃帝陵前漢武帝用兵朔方還祭黃帝於橋山築此

杏城一統志在中部縣西南五里相傳漢將韓胡伐杏木為柵因以為名晉書升平初姚襄徙北屈將圍關中

進屯杏城遣其兄姚蘭略地鄜城魏書地形志北華州  
治杏城

晉赫連城一統志在鄜州西元和郡縣志在洛交縣西  
三十六里赫連勃勃聞劉裕命其子義真等守長安大  
悅自將兵入長安留其母於此築城以居

隋直羅關通志在鄜州西北一百里崔仲方所築西接  
環慶地唐書地理志武德六年置直羅關州志因故直  
羅城為名西南通子午嶺西北通保安縣凡二百里皆

深谷峻嶺為一方險要

唐望敵臺一統志在鄜州西北二百里相傳唐太宗征突厥常登此故名

監軍臺一統志在鄜州南五里相傳尉遲敬德演武於此

龍坊鎮通志在中部縣西北四十里唐牧廐所也

段志元墓一統志在宜君縣南三十里

宋廊臺一統志在雒川縣東南元祐二年范純祐為主

簿時纂

赤沙城太平寰宇記在中部縣西七十里舊戍城也

砦場一統志在宜君縣西九域志縣有砦場

馬欄鎮通志在宜君縣西南一百二十里接慶陽界宋  
史趙珣傳慶厯二年元昊大舉入寇珣會葛懷敏於瓦  
亭懷敏西至馬欄城珣謂懷敏依馬欄城布柵以扼其  
路

狄青墓通志在中部縣西黃花峪懸巖石峒有石棺在

焉

元李杲墓通志在中部縣東北四十里祔其祖元帥明  
安岱爾墓有碑元史本傳杲字東垣精岐黃學者稱東  
垣先生

王孝子克已墓通志在中部縣北回軍嶺克已事母孝  
母卒廬墓元末紅巾賊至聞其孝引去因名其地曰回  
軍嶺

明黃龍鎮通志在雒川縣東南一百三十里黃龍山嘉



靖十八年移韓城紫金關于堡內築城周二里有奇舊有防兵

石堡一統志在宜君縣東七十里舊有城平原廣阜雉堞巍然明末嘗置官署於此

劉琦墓通志在雒川縣北十里大石山琦以直諫謫戍召還卒贈光祿卿

朱新堞墓一統志在中部縣治北社稷壇側通志新堞山西汾陽人中部知縣崇禎十六年闔門死難邑人合

葬之墓側有碑

關中勝蹟圖志卷三十


欽定四庫全書


關中勝蹟圖志卷三十一

陝西巡撫畢沅撰

圖

陝西省疆域總圖





西安府屬疆域圖

北交宜君縣界一百里

東北交洛川縣界二百里

東交華州界一百六十里


東南交商州界二百里

南交鎮安縣界一百六十里






同州府屬疆域圖





里十八界縣南離交南






西南交鳳縣界一百十里

五

東南交紫陽縣界二百二十里

關梁岡



里十四百一界縣江南交南

青石關



欽定四庫全書

關中勝蹟圖志  
卷三十一

漢中府屬疆域圖

里十六百二界縣至藍文北東

東石泉縣界三百十里




北交野縣界五十五里

西北交兩當縣界四百十里

西交階州界五百里

南交廣元縣界二百四十里





大正十一年

西交靈州界五百九十里

南交廊州界一百三十三里

關中勝蹟圖志


西南交環縣界八百二十里

七





# 榆林府屬疆域圖




商州屬疆域圖

東交盧氏縣界二百三十里

東北交閭鄉縣界二百十里

東南交浙川縣界一百二十里





乾州屬疆域圖


東北交邠州界百卒里



東南交藍縣界十九里

北交邠州界  
百二十五里

西北交邠州界百四十里



西交扶風縣界六十里


南交藍屋縣界五十九里

邠州屬疆域圖

東交北宜君縣界五百里

北交寧


東交耀州界百十里



西北交寧界二百二十里

州界十六里


西安涇州界百十里



西南交麟遊縣界七十里

青麟界三十五里


興安州屬疆域圖





西北交長安縣界三十三里

西北交長安縣界一百一十七里



西交西鄉縣界二百四十五里

南交太平縣界三百五十五里

關中勝蹟圖志

西南交太平縣界四百四十里



五里

黑家坑水

水泉

石佛山

堡光開

州德綏

山陰離

山屏文

山龍合

水黑

河穿德

水延秀

堡川寧

葉架山

清龍黑

界一百六十六里

堡川保

川干背

河馬飲

山雲白

縣臨東

米脂米

口家張

山家山


無定河

大磽川

西安安定縣界一百四里

西北交懷遠縣界二百八十里

鄆州屬疆域圖



北至甘泉界四十五里



大界山



西北保安界一百里

縣城

華池水



西至合水界一百七十里

子午水

會道水

餘樂水



回軍箱

蘭家寨

石堂山

龍防鎮

寇家河

軍兵山

街山

中縣

渭水

慈烏水

柱村

龍牙山

鳳凰山



香山

西南散字界二百二十里

寶縣

龍尾山

龍頭山

王華水

太子山

柳溝川

金華山

蘭家谷

石龍崖

馬蘭鎮

亂石灘

宮界一百四十五里

關中勝蹟圖志卷三十一

欽定四庫全書

關中勝蹟圖志卷三十二

陝西巡撫畢沅撰

圖


華嶽圖








中南山圖







太白山圖





西鎮吳山圖




黃河圖







渭水圖







漢江圖


境羌寧






龍首永濟二渠圖






龍洞渠圖









漢未央長樂宮殿圖







漢建章宮圖






唐西內圖







唐東内圖








唐南內圖





華清宮圖





關中勝蹟圖志卷三十二